

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO POLJOPRIVREDE, VODOPRIVREDE I
SARAJEVO

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine (“Službene novine Federacije BiH”, br. 12/03, 34/03 i 65/13), u postupku imenovanja na pozicije u organima privrednih društava u kojima federalni organi vlasti imaju pravni interes i u kojima, prema važećim zakonima, pravilima i propisima, imaju zakonito pravo da vrše nominaciju odnosno imenovanje, federalni ministar poljoprivrede, vodoprivrede i šumarstva, objavljuje

JAVNI OGLAS
ZA IZBOR I IMENOVANJE NA POZICIJE U NADZORNOM ODBORU
“AGENCIJE ZA VODNO PODRUČJE JADRANSKOG MORA” MOSTAR

I. PREDMET JAVNOG OGLASA

Objavljuje se javni oglas za utvrđivanje prijedloga kandidata na upražnjene pozicije za članove Nadzornog odbora “Agencije za vodno područje Jadranskog mora” Mostar.

Nadzorni odbor broji 3 (tri) člana.

II. OPIS POZICIJE

Član Nadzornog odbora zajedno sa ostalim članovima, izvršava poslove iz nadležnosti Nadzornog odbora Agencije za vode koje su utvrđene članom 161. stav (1) i članom 162. Zakona o vodama kako slijedi:

Nadzorni odbor vrši kontrolu rada agencije za vode, analizira izvještaj o poslovanju agencije za vode, pregleda godišnji izvještaj o poslovanju, godišnji obračun finansijskog poslovanja agencije za vode, pregleda i provjerava urednost i zakonitost vođenja poslovnih knjiga, izvještava resorno ministarstvo, upravni odbor i direktora agencije za vode o rezultatima nadzora.

III. MANDAT

Nadzorni odbor imenuje se na period od četiri godine počev od dana konačnog imenovanja.

IV. USLOVI POZICIJE

Kandidat za člana Nadzornog odbora treba ispunjavati sljedeće uslove:

a) Opšti uslovi

- da je državljanin Bosne i Hercegovine;
- da je stariji od 18 godina;
- da nije stariji od 65 godina
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja upražnjene pozicije;
- da se na njega ne odnosi član IX 1. Ustava Bosne i Hercegovine;
- da nije izabrani zvaničnik, nosilac izvršne funkcije ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u organima vlasti u Federaciji Bosne i Hercegovine (“Službene novine Federacije BiH”, broj 70/08);
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine;
- da nema privatni/finansijski interes u agenciji u čiji se upravni odbor kandiduje;
- da nije direktor, član uprave, predsjednik ili član nadzornog odbora ili odbora za reviziju u drugom privrednom društvu, javnoj ustanovi ili instituciji;
- da nije osuđivan za krivično djelo, odnosno privredni prijestup nespojiv sa dužnošću u upravnom odboru agencije u periodu od pet (5) godina od dana pravosnažnosti presude, isključujući vrijeme izdržavanja kazne zatvora;
- da se protiv njega ne vodi krivični postupak;
- da nije lice kojem je presudom suda zabranjeno obavljanje aktivnosti iz nadležnosti upravnog odbora agencije.

b) Posebni uslovi

- Najmanje visoka stručna sprema (VII stepen) odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja;
- Relevantno stručno iskustvo na području javnih finansija odnosno upravljanja vodama u smislu odredaba čl. 161. i 162. Zakona o vodama.

V. POTREBNI DOKUMENTI

Uz prijavu na Javni oglas, kandidat je dužan dostaviti dokaze o ispunjavanju opštih i posebnih uslova prema kriterijima iz tačke IV. a) i b) ovog oglasa i to:

- CV, adresu i kontakt telefon;
- fotokopiju lične karte ili uvjerenje o državljanstvu ne starije od šest mjeseci;
- uvjerenje o nevođenju krivičnog postupka (ne starije od tri mjeseca na dan podnošenja prijave) – izdato od nadležnog suda;
- uvjerenje o nekažnjavanju (ne starije od tri mjeseca na dan podnošenja prijave) – izdato od nadležne policijske uprave;
- uvjerenje o nekažnjavanju za privredni prijestup (ne starije od tri mjeseca na dan podnošenja prijave) – izdato od nadležnog suda;
- fakultetsku diplomu;
- potvrdu ili uvjerenje o radnom iskustvu u okviru visoke stručne spreme;

- izjavu podnosioca zahtjeva ovjerenu u općinskom organu ili kod notara ne stariju od tri mjeseca kojom vlastitim potpisom potvrđuje da ispunjava uslove iz tačke IV. a). alineja 4., 5., 6., 7., 8., 9. i 12.

Kandidati su dužni sve potrebne dokumente dostaviti u originalu ili ovjerenoj kopiji. Dokumenti će biti vraćeni kandidatima samo na njihov zahtjev.

VI. RAZMATRANJE PRIJAVA, UŽI IZBOR I INTERVJU

Pregled i analizu prijava izvršit će posebna komisija za izbor kandidata koju će imenovati ministar, u skladu sa odredbama člana 9. Zakona o ministarskim, vladinim i drugim imenovanjima Federacije Bosne i Hercegovine.

Svi kandidati čija prijava je zadovoljila uslove pregleda bit će pozvani na intervju koji će obaviti komisija za izbor kandidata. Navedena komisija će sastaviti listu sa užim izborom najboljih kandidata prema principima iz člana 3. Zakona o ministarskim, vladinim i drugim imenovanjima Federacije Bosne i Hercegovine.

Tokom intervjuja kandidati su dužni iznijeti bilo koje pitanje koje bi moglo dovesti do sukoba interesa, ukoliko se izvrši njihovo imenovanje.

Kandidati koji nisu ispunili propisane uslove neće biti pozvani na intervju, odnosno biće isključeni iz daljnje procedure o čemu će se pismeno obavijestiti.

U skladu sa članom 11. Zakona o ministarskim, vladinim i drugim imenovanjima Federacije Bosne i Hercegovine, komisija za izbor dužna je sve kandidate upoznati sa standardom ličnog integriteta koji se traži za lica imenovana na javnu poziciju, razmotriti i objasniti svim kandidatima pitanja sukoba interesa i pravo javnosti putem mehanizama utvrđenih u navedenom Zakonu, uključujući i pravo na mogućnost ulaganja prigovora protiv imenovanja koje se razmatra. Komisija za izbor u skladu sa odredbama člana 12. Zakona o ministarskim, vladinim i drugim imenovanjima Federacije Bosne i Hercegovine, pisanom preporukom predlaže rang listu sa najboljim kandidatima ministru na daljnje razmatranje.

Pisana preporuka sadrži i sve relevantne informacije koje komisija za izbor ima o kandidatima kao i njene preporuke.

U skladu sa odredbama člana 34. stav (4) Uredba sa zakonskom snagom o ustanovama ('Službeni list RBiH', 6/92, 8/93, 13/94) jedan član Nadzornog odbora imenuje se iz reda zaposlenika agencije za vode.

Prilikom odabira kandidata, a prije utvrđivanja liste za konačno imenovanje članova upravnog odbora, ministar je u smislu člana 2. stav 1.6. Zakona o ministarskim, vladinim i drugim imenovanjima Federacije Bosne i Hercegovine, dužan poštovati odredbe člana 3. stav 2. (E) navedenog Zakona na javni položaj u smislu da imenovanje u pravilu odražava sastav naroda i građana Federacije Bosne i Hercegovine.

VII. TAJNOST I ZAŠTITA PODATAKA

Komisija za izbor ima pravo provjere istinosti navoda iz zahtjeva kao i vjerodostojnosti dostavljene dokumentacije o ispunjavanju uslova javnog oglasa.

Lični podaci o kandidatima – podnosiocima prijava su tajni i mogu se prikupljati samo u skladu sa odredbama Zakona o zaštiti ličnih podataka („Službeni glasnik BiH“, br. 49/06, 76/11 i 89/11-isp).

VIII. PRIGOVORI

U skladu sa članom 16. tačka 1. Zakona o ministarskim, vladinim i drugim imenovanjima Federacije Bosne i Hercegovine bilo koji član javnosti može podnijeti prigovor na konačno imenovanje, ako smatra da u procesu imenovanja nisu poštovani principi utvrđeni članom 3. navedenog zakona. Prigovor se podnosi federalnom ministru poljoprivrede, vodoprivrede i šumarstva, a kopija prigovora dostavlja se Instituciji ombudsmena za ljudska prava Bosne i Hercegovine.

IX. OGLAŠAVANJE, ROK ZA PRIJAVU I NAČIN DOSTAVE PRIJAVA

Javni oglas će biti objavljen u dnevnim novinama “Dnevni avaz”, “Dnevni list” i “Službenim novinama Federacije BiH”.

Javni oglas ostaje otvoren petnaest (15) dana od dana objavljivanja u „Službenim novinama Federacije BiH“.

X. OSTALE NAPOMENE

Neblagovremene i nepotpune prijave neće biti razmatrane.

Prijavu sa svim traženim dokumentima treba dostaviti lično ili poštom preporučeno na adresu:

**FEDERALNO MINISTARSTVO POLJOPRIVREDE,
VODOPRIVREDE I ŠUMARSTVA
ul. Hamdije Čemerlića 2, Sarajevo**

sa naznakom na koverti:

**“Prijava na Javni oglas za izbor i imenovanje na pozicije u Nadzornom odboru
“Agencije za vodno područje Jadranskog mora” Mostar – ne otvarati”**